

XX.

ORATIO
DE HVMANAE
INDVSTRIAE
PRAESTANTIA.

* *



AD CLARISSIMOS VIROS
M. ANTONIVM VENERIVM
Doctorem praestantissimum; MARCVM
MOLINVM: ANTONIVM
PRIOLVM, ET ANTO-
NIVM MOCENICVM,

Patricos Venetos, Diui

Marci Procurato-

res meritis-
simos.

O I T A R O
DE H V M A N E
F. Desyderius Lignamineus
Patauinus.

* *

Si quantum valeat (quæras) industria mentis

Humanæ, paucis edocet his Medices.

Præterea, quantum pro sit pia dogmata Divum.

Tractare: ornato disserit eloquio.

Felix viue diu, cuncti sic Sixte precamur,

Et nobis tradas his potiora tuis.

Clarissimis viris.

M. ANTONIO VENERIO

Doctori præstantissimo, MARCO MO-

LINO, ANTONIO PRIOLO,

ET ANTONIO MOCE-

NICO, Patricijs Venetis,

Diui Marci Procuratori-

bus meritisissimis.

F. Sixtus Medices Theologus Dominicanus.

S. P. D.



EMPER. & ubique Diuina sic
disponente prouidentia fa-
ctum comperimus, vt per vi-
ros eosdem Sacerdotij mu-
nus exerceri, & sapientiæ ar-
cana referari consueuerint.

Humanum quippe genus Dei proles, ab homini-
bus Deo dicatis, cum morum tum literarum co-
gnitione facilius imbui posse perspicuum est. Ta-
les profecto apud Persas Magi, apud Indos Brach-
manes, Aegyptijs Mathematici ac Metaphysici,
Aethiopibus Gymnosophistæ, Gallis Druydes Sa-
cerdotes simul, & Doctores fuerunt. Eiusmodi
etiam inter Græcos, Linus, Orpheus, Musæus,
Eumolpus,

Eumolpus, Melampus, Trophimus, Aglaophemus, Pythagoras, & alij: Nec dissimiles inter Romanos, Numa Pompilius, Valerius Soranus, Iulius Cæsar, ceterique pontifices floruerunt; quibus non minus curæ fuit sacrorum, quam sapientiæ studium. Hebræis quidem Prophetæ atque Esæi, sacerdotio & sapientiæ simul operam dabant. Ait enim Malachias propheta. Labia sacerdotis custodiunt scientiam, & legem requirunt ex ore eius. Porro Ecclesiæ nostræ Antistites quales primum in scientia effulserint, si quis nesciat, contempletur Basilios, Origenes, Athanasios, Chrysostomos, Cyprianos, Ambrosios, Hieronymos, Augustinos, Gregorios, Hilarios, atque vniuersum cataphractorum cuneum, qui armis scientiæ cum Diuinæ, tum humanæ, vnâ cum sacerdotij dignitate, cuncta Hæresum monstra validissime prostrauerunt. Posterioribus verò sæculis Magnus Albertus, & Thomas Aquinas ex nostris prodierunt, scientiarum, & Religionis columnæ, qui non solum vniuersa Theologiæ arcana explicauerunt, sed & cuncta Aristotelis volumina clarissimis commentarijs illustrata Gymnasijs primum donauerunt. Hos sequuntur Herueus, Durandus, Petrus de Palude, Ioannes Capreolus, alijque innumeri. Proximis nempe temporibus dum

Ioachinus

Ioachinus Turrianus Venetus, non minus linguarum ac scientiarum cognitione, quàm morum probitate clarissimus, totius Dominicanæ sodalitatæ Magistrum Generalem ageret; In Patauino Gymnasio Methaphysicam professi sunt Franciscus de Neritono, Valentinus de Perusio, ac Thomas Caietanus postea Cardinalis, clarissimo vir ingenio, quem nullum scientiarum genus credimus non exacte calluisse. Hunc sequitur Hieronymus Monopolitanus Archiepiscopus Tarentinus, & Albertus Vinësis Episcopus Clodienfis. Hanc eandem facultatem ex collegio nostro Diuorum Io. & Pauli multa cum laude auspicati sunt Vincentius Merlinus & Ioannes Franciscus Beatus, qui postmodum Pisis profitens, diem vltimum obiit. Sacræ vero Theologiæ interpretes Patauij fuerunt ex hoc eodem Cœnobio exorti, is quem supra nominaui Hieronymus de Monopoli: Deinde post Gasparē Perusinum, Thomas Omnibonus vir eximius, quemadmodū Post Bartholomæum Pisanum Ego, qui per octo annos nullis laboribus parcēs, cōtuli quæ pro viribus potui. Me tamen in Patriam per uos euocatum subsecutus est in eodē lectionis munere Hieronymus Vielmus Venetus discipulus meus, qui eo pollet ingenio, earum bonarum artium cognitione, atque eloquentia,

ut sonitum doctrinae eius orbis vniuersus sit aliquando cum admiratione auditurus. Hi omnes igitur ex domo hac vestra, & sacrorum & scientiarum magistri fuerunt. Quibus ut alij sufficiantur pro patribus filij, Gymnasium in aedibus nostris dudum instaurare conamur, cuius fructus vberes, tota Ciuitas statim (ut spero) iucundissime degustabit. Non iniuria itaque (ut ad rem nostram aliquando veniamus) factum est, ut vos humanitate vestra me in filiorum, & ciuium vestrorum praeceptorem asciueritis. Et ego iam senex votis vestris consentiens, Patauio dimisso Venetias me contulerim: Immo utriusque (ut arbitror) sapientum consilia sumus prosecuti. Siquidem cum apud Platonem aetates duae ad religionem sint propensiores, pueritia nimirum & senectus, Ideo filijs vestris, qui vitae innocentia puri sunt, satis prouisum fuerit, si senem, sacris initiatum eis praeceptorem exhibueritis. Eos enim musarum sacerdotes legitimos esse docet Orpheus, qui aetate prouectiori diuina pertractant. Namque anima illa aetate, quae sunt à corporibus seiuncta, quasi è proximo conspiciens, perspicacius explorat & clarius speculatur, atque interpretatur scientiarum mysteria. Ego itaque (ne spem uestram frustrarer) diligenter quoad potui iam biennio

Rationalem

Rationalem ac Naturalem Philosophiam, nunc
vestro sum interpretatus, & prouentus copia (ut
cum gaudio videtis) haud exigua. Iam enim sa-
penumero auditores nostri, disputationibus publi-
cis, ingenij sui opes explicauerunt. Id autem Viri
Optimi, atque celebratissimi, munus vestrum est,
hoc vobis totum ferri debet acceptum, qui rei hu-
ius authores extitistis. Iccirco quemadmodum
(ut inquit sapiens) flumina omnia exeunt à mari,
& ad mare reuertuntur ut iterum fluant, ita & quae
à vobis dona fluxerunt, ad vos clara cum laude re-
dire debent. Vos quippe Pelagus estis non mo-
do diuitiarum, sed & virtutum omnium, à qui-
bus, ut scientiarum ita religionis flumina gignun-
tur, & vegetantur, quo clarissimus nominis ve-
stri splendor omnibus effulgeat. Quis enim An-
tonio Mocenico prudentior aut vigilantior? An-
tonio Priolo ingeniosior aut vbique terrarum ce-
lebrior? Marco Molino humanitate aut munifi-
cètia omnibus charior? Tu vero M. Antoni Vene-
ri Doc. eximie, omniū scientiarum splendore, re-
rumq; agendarū experientia longe maior es, quàm
prolixa etiam oratione complecti quisquā valeat.
Tibi prater ceteros acceptum fero quicquid di-
gnitatis ex studiorum exercitatione Patavij sum
consecutus, ut etiam vitam ipsam tibi debere me
sæpe

sæpe non immerito prædicem. Verum ne illos
qui hoc biennio, ex Procuratorio hoc vestro col-
legio mortis iniuria sublati sunt, silentio prætere-
amus, Nemo est qui nosse nō debeat Alexandrum
Contarenum, vt Ciuitati nostræ valde veneran-
dum, ita hostibus maxime formidabilem. Tho-
mam verò Contarenum propè centum annos na-
rum, rebus gerendis apud exterar præsertim na-
tiones diligentissimum, Domi autem suis ciuibus
semper iucundissimum. Laurentius denique Lu-
stinianus quæadmodum rerum experientia supe-
rauit plurimos, ita ingenui animi muneribus nemi-
ni secundus fuit. Pelagus itaque virtutum, atque
bonorum omniū estis vos Viri Clarissimi, à qui-
bus quum riuulus ingenij mei emanauerit, æquum
est, vt ad vos ultro redeat. Proinde Orationem
hanc DE HVMANAE INDVSTRIÆ
PRÆSTANTIA, quòd munere vestro pro-
dierit, ad vos etiam (vt par est) reuertentem, pro
vestra humanitate suscipite. Atque adeò perpen-
dentes quanta veneratione vos prosequar, vicis-
sim gratiarum in me vestrarum iteratos fauores
perpetuò effundite. Valete Patres Opt. atque Cla-
rissimi.

Ex Aedibus nostris. D. Io. & Pauli. Pridie Kal.
Aug. M. D. L. V.

F. Sixti

F. SIXTI MEDICES

Veneti Dominiciani,

Artium & sacræ

Theo. Doc.

DE HVMANAE INDVSTRIAE

Præstantia Oratio, Pridie quàm Rationalem,

ac Naturalem Philosophiam Publicè In-

terpretaretur Venetijs habita Quar-

to decimo Kal. Nouemb. sup. incipit

M. D. LII.



P I C V R E I Philosophi,
quorum scientia non vulga-
ris apud antiquos fuit existi-
mationis, ex Democriti insti-
tutis originē ducentes, Deum
opt. Max. Humana effigie re-
presentare cōsueuerunt; hac
nimirum (vt arbitror) ratione, quodd nihil ferè non
Diuinum in homine dum conspicerent, ipso, nihil
Deo vicinius, nihilque ad supremam illius men-
tis imaginem propius accedens poterant excogi-
tare. Nec temerè quidem. Quum enim vniuersa

10001

b increatæ

increate sapientiæ opera, summi opificis vestigium atque consilium non obscure referant: id tamen longe præstantius efficit mira humani generis pulchritudo, singularis forma, insignisque nobilitas, ea præsertim parte qua præ cæteris animantibus mente viget, illaque eximia ratiocinandi facultate exornatur. Hæc quippe, quum in ultimo æternitatis horizonte (vt sacris Theologorum vtar verbis) sita maneat: vniuersi perfectiones facile complectitur, & supremi ordinis substantias, non solum naturæ participatione; verum & excellentiori quodam modo atque ratione attingit. Nempè dum rationis Industriâ, vel ad authoris sui similitudinem, ipsum intelligendo tam propè accedit, vt cum ipso vnum effici videatur.

- Ceterum, quum supremi numinis infinita virtus maximè ob id conspiciatur, quòd nunquam non agat, vt in Euangelio legimus, Pater meus vsque modo operatur, & ego operor; In hoc etiâ humana ratio eidem simillima nõ difficile cognoscitur quòd ocio lâguere nesciat: sed industria quadam cõtinuæ operationi insudet. Quocirca operæ præcium me facturum existimò, celeberrime atque eruditissime confessus, si maximum hoc, quod in humanæ rationis Industria numen latere optima opinantur ingenia, Orationis meæ Argumentum fuerit:

fuerit : ac de ipsa HVMANAE INDV-
STRIAE PRAESTANTIA in primis ali-
quid breuiter , & crassiore quadam minerva per-
strinxerim . Adeste igitur , atque acquisitis ani-
mis audite .



INDVSTRIA itaque quamuis in-
genij facultatem quandā siue artem
exprimat, quā ad aliquid agēdū, seu
perscrutandū idonei reddimur: nō-
mīquam tamen pro ipsa artis atque
ingenij exercitatione accipi solet: vt saepenumero
operādi facultatē, ipsius virtutis operatiōe nomi-
nemus. Nos verō maiori ambitu vtrunque cōple-
xi, eouſque Industriæ nomen extendemus, vt In-
dustria, mentis aciem, vigilantiam, sagacitatem,
solertiāq; significet; Sitque mentis quædā exer-
citatio, quā nos ab ocio, ignauia, & quodam quasi
membrorum pondere, vel in ipso ocio vindice-
mus. Quemadmodum apud Arpinatem refere-
bat Cato, Publium Scipionem dicere solitum, se
nunquam minus ociosum esse quam quum ocio-
sus, nec minus solum quā quum solus esset. In-
sita enim est à natura humanæ mēti cupiditas quæ-
dam noua semper meditandi, vtque ea quæ nū-
quam viderit vel nouerit perſcrutetur, & tandem

pro virili reperiat. Hinc tot artes ad vitæ nostræ
commodum ortas esse videmus, atque ab huma-
ni ingenij sagacitate veluti ex fecundissimo semi-
nario copiosius emanasse. Apollo liquidem Medi-
cinam primus excogitavit. Ideo ait apud memo-
randum vatem.

Inuentū Medicina meū est, opifexque per orbem
Dicor; & Herbarum subiecta potentia nobis.
Modum equitandi Bellerophon tradidit. Bellan-
di normā hominibus præfixit Mars: in cuiusque rei
gratiam militiæ sibi numen vendicauit. Nauigan-
di artem primus coluit: Neptunus: cui hanc ob
causam Maris imperium condonauit antiquitas.
Agrorum colendorum peritiam Caimus primi pa-
rentis Adæ filius novos homines (vt Iosephus testa-
tur) docuit: Aegyptios verò Osyris. Cuius me-
minit illis versiculis ingeniosus Poeta. *primus arat*
Primus Aratra manu solerti fecit Osyris,
Et teneram ferro sollicitauit Humum.
Primus inexpertæ commisit semina terræ,
Pomaque non notis legit ab Arboribus.
Quæ quidem quum humani animi Industriam mi-
rum in modum præferant suapte natura: in ma-
iorem tamen admirationem nos vel inuitos tra-
hent; si quis animo peruoluat sublimis hominis iu-
diciū in excogitandis instrumentis atque obser-
uationibus,

uationibus, quibus artes auctæ, ad proprium finem aptius atque commodius consequendum singulæ deducuntur.

Porro in Agris excolendis, quis citra stuporem consideret tot frugum genera, varias serendi ac metendi rationes, stercorandi modum, putandi artem; In granis excutiendis molendisue artificium? Quis eum summopere non laudet qui primus Boies Aratro iuxerit? Plaustra, Ligones, Vomeres, Sarcula, Pastinum, Ventilabra, Marras, Furcillas, Quallos, Ronchones, tot Falces & Fisceellas, Tot Cribrorum formulas nobis subministrant. Quibus addantur,

Tribulæque Traheæque & iniquo pōdere Rastri. In nauigandi verò arte cui non admirationem moueāt ad tot diuersos vsus comparata Nauigia, quibus vel integræ arborum syluæ miro quodam artificio consui soleant? Nimirum gubernaculo, Anchora, Malo, Rudentibus, Antennis, Remis, Velisque instructa; Bolide pariter, Pixide seruante linitum Magnete ferrum; Circinatæque tabella Insulas fere omnes, scopulos, ventorum regiones, mare denique ipsum ac terras, breuissimis admodum lineis clarè indicante? Cuius perito secretoque intuitu, ratem, tuto itinere, obscurissima etiam nocte, quocunque voluerint Nautæ dirigunt, non

minus

minus quàm si apertissima luce vniuersæ viæ mar-
ris ante oculos versarentur.

Circa verò equitandi rationem, non parua sa-
gacitas fuit, teneras equorum ungulas ferreis so-
leis munire, ipsosquæ sella & stapedis nobis accom-
modare, ephippia phaleris ornare, capistro cohi-
bere, habenis fræuóque in gyrum agere, calcari-
bus vrgerè; atque ferocissimam belluam huma-
no imperio penitus obtemperantem reddere.

Sed quis in militari disciplina non eos laudet
qui Thoracem, Loricam, Torques, Galeam, Cri-
stas, Ocreas, Clypeum, Gladium, Clauam, Secu-
rim, Pugionem, Hastam, Iaculum, Dolones, Ar-
cum, Sagittas, Fundam, Catapultas, Arietes, Bal-
listas, Atque ignea non vnus generis Tormenta,
Tentoria, Feriendi artem, Tesseras, Tubas, Cor-
nua, Clasicum, eaque omnia quibus in expugnan-
dis hostibus, in euertendis vrbibus, vti & antiqua,
& ætas nostra cotidie soleat, inuenerunt?

Tacebó ne quo pacto primo orbis exordio, ex
frondibus mortales homines tecta sibi conforma-
rint? Speluncas sub montibus ferarum more alij,
Domicilia sibi esse voluerunt. Nonnulli hirundi-
num exemplo, ex luto ac virgultis loca quædam
figere cœperunt; aut etiam Magalia Afrorum in
medijs cãpis, aut domos plaustris impositas Scy-
tharum

tharum exemplo habitarunt. Postmodum verò
qui secuti sunt non contenti fuerunt, Ligna, Late-
res, Saxa, Cementa, Calcem, Gypsúmque compo-
nere; eisque Malleo, Trulla, Norma, Libella, Per-
pendiculo, Penicillo rectorio, Domos atque vr-
bes perficere; Nisi Marmora, Paria, Carariensia,
Ophytica, Lucullea, Porphyretica, Laconica, Nú-
midica, Basaltea, ex altissimis montibus petita; Sty-
lobatis, Spirís, Columnis, Epystilíjs, Arcubus, Mu-
tulis, Trabibus, Zophoris, Coronis deformatis;
Opere Dorico, Corinthio, Ionico, ædificiorum
adderentur ornatui: Diuersi generis, etiám uetu-
state exesis stemmatibus, & simulacris; Crustis,
Picturis atque opere Tessellato superadditis, ad
omnem elegantiam luxúmque vitæ captandum.
Quin immò & ad æui longitudinem comparan-
dam Atria, Peristylia Theatra, Therma, Aqua du-
ctus, Labyrinthi, Pyramides, Obelisci: Trochlea,
Succula, Tympanis (vt machinas Ctesiphontis &
Metagenis prætermittam) erigerentur.
Eousque tandem creuit humanæ huius Indu-
striæ indagatrix cupiditas, vt Terra exornata, Ma-
ríque carinis æque ac terra hominibus factó per-
uio: ijsque omnibus sibi comparatis quæ humano
vsi consulere viderentur, vitæque commodis,
nòdum tamen satis fecisse arbitraretur, nisi & Ma-
ria

ria ipsa funditus vsq; perlustraret; ac tanquā piscis,
Delius natator ad Margaritas & Corallia (ne dum
ostrea)conquirenda ima quæque perscrutaretur.

Incessit postmodum ipsum Aera peruagan-
di desiderium (Hoc siquidem vnum videbatur vo-
lucris inuidere) Quare pennas capere, easque in
alarum formam coaptare (Hoc enim de Dædalo
referunt) Aethera scandere, ad Lunæ ac Planeta-
rum orbes propius accedere cœpit. Atque hoc ne
vobis mirum videatur, viri egregij, eam esse ho-
minis industriam perpendite, ut non modo Aera,
verum etiam altissimos vsque Cœlos penetrarit;
Immo ad ipsius Dei optimi sedes accesserit. Quis
enim ad Cœlos vsque euolasse hominis ingenium
non asserat; Cui iam omnia ferè naturæ secreta
apertissimè pateant? Quis dum hominem siderum
cursus varios, ac varios ipsorum influxus, Orbi-
um circulos, Aequinoctialem, Zodiacum, Colu-
ros, Meridianum, Borealem, Australem; Sphæra
atque Astrolabio; cœlestis cursus velocitatem, il-
lius simplicitatem, incorruptibilitatemquæ appre-
hendisse videat; non mox fateatur ipsum longè al-
tius pennis sublatum esse quàm quod de Dædalo
referant Poetæ? Age verò cum ad motricis Intel-
ligentiæ abditissimam cognitionem peruenit, &
eius numerum venatur, infinitam Dei Maximi
virtutem,

virtutem, summique τοῦ παντός (vt Græci dicunt)
Principis vnitatem; quis hominem vel cœlitus de
missum, vel certè vnà cum superis cœlos aliquan-
do coluisse non crediderit?

Qua propter haud mirum est si pàsîm Geome-
tram circa continuum versari, terras dimetiri; cir-
cino, vmbra, speculo, alijsquẽ instrumentorum
auxilijs, distãtias locorum, turrium & montium al-
titudines, vallium, fluminum, lacuum, latitudines
dignoscere videamus. Si radiorum reflexiones,
lucidiorésque lineas dispiciat perspectiuus, orbis
sîtum ob oculos ponat Geographus; quũ, & astra
& Cœlum longe maiori quodam circulo, superio-
ríque arte humana vis ac solertia, mensura qua-
dam complexa sit.

Atque adeò vt nullum non moueret Lapidem,
latens quoddam numen in Numeris Arithmeti-
cæ studio, vimque quandam occultiore, ita est
perscrutata; vt ipsos Numeros tum Mercaturæ
accommodarit (vt de Phœnicibus tradit Herodo-
tus) tum harmoniæ (vt de Amphione, aut apud
Hebræos Tubale in historijs legimus). Maximè
enim conditioni humanæ consultum videbatur, si
tristior aliquando animus his Numerorum modu-
lis exhilararetur. Auxerunt porrò hanc iucundam
musices operã, Fistula, Monochordo, Fidibus, Psal-
terio,

terio, Barbitō, Cŷthara, Laut, Lyra, Organo, Sambuca, alijsquē instrumentorū generibus Orpheus & Linus & alij penē innumerabiles.

Sed Inter hæc omnia, non minus sibi laudis promereri visa est hæc hominis Industria circa medicæ artis exercitationem: dum morbos pellere; atque animam penē agentes, propēque vita defunctos, ad amœnam hanc lucem reuocare conspiciuntur: Hócque vno cum Deo opt. Max. conuenire præsertim creditur; cuius infinita virtus hoc potissimum argumento colligitur, quòd & diruta instaurare supra naturæ vires valeat. Hanc ob causam dicebat sapiens ille Salomon. Medicum creauit altissimus, & à Deo est omnis Medela. Et proinde maximè sanè mirificequē obseruanda.

PRæsident autem in hoc almo Disciplinarum collegio, (veluti in firmamēto Cœli luminaria magna) Duæ Matronæ præcipuæ, vna Parēs **PHILOSOPHIA**, Nutrix altera **DIALECTICA**.

Philosophiæ quidem Naturalis Industria (vt Moralem ac Diuinam Silentio in præsentia veneremur) vniuersa Mobilia concipit perlustranda, quorum sunt Principia, causæ, & Elementa, ex horum cognitione, vt scripsit Aristoteles.

Dialecticæ verò sagacitate vsque ad eò in acquirendo scientiarum thesauro intellectus acies dirigitur:

gitur : vt ad veritatem pateat , ad errorem omnis
vtique claudatur via. Et quemadmodum Nutrix,
lacte aut etiam solidiori cibo infanti oblato illius
membra fouet , ac veluti vitæ ministra per totius
corporis intima sese diffundens , vniuersas vires
eius roborat atque custodit : Ita Dialecticæ alimo-
nia in primis Philosophiæ infusa, omnes ipsius par-
tes dirigit, ac vegetat, eiusque membra probè di-
spōsita , perinde atque ossa ac nervos in animalis
corpore (vt Zenoni placuit) valide confirmat. Sub-
inde vitam quam Philosophia parturit ceteris ,
Dialectica ipsa rectissimè conseruat. Illud quippe
confessum est vniuersis , quoniam sicuti Discipuli-
narum Organum Disciplinas omnes format , &
colligit; atque vt rectè operandi munera subeant,
vires illarum diligenter munit, excolit, atque exer-
cet. Corpus quippe Organicum, diuersis membris
artubusque constat. Hæc verò ex articulis inui-
cem per iuncturas connexis , mira quadam artis
vel naturæ Industria ita connectuntur, vt exercen-
tis ingenium adiuuare, ei que congruè respondere
sufficiat. Haud secus Dialecticum organum ad tri-
plicem intellectus operationem sese distribuens ,
primum simplices particulas , voces videlicet
ac terminos , Decemque Generalissima conside-
rat; mox eorum composituram in enunciata &
propositiones

propositiones colligit; deinde ad formam syllogisticam ordine congruo redigit, Elenchos rejiciēs; per Topica differere in quouis negotio docet. Tutissimam denique Demonstrandi arcem ingreditur, vt ex necessarijs perpetuōque constantibus, ipse scientiarum nexus roboris accessionem capiat, idēque legitimē atque integerimē constituatur. Hanc à Rhetorica aiebat Zeno Citiāus differre, perinde atque manus in pugnum constricta, ab aperta in palmā: veluti arguens (vt arbitror) quod qui Rhetorum suasionē non mouetur, Rationibus Dialecticorum is etiam nolens coërceatur.

Porrò autem naturalis Philosophia, Disciplinarum ac scientiarum omnium fecundissima Mater; vt Arithmetica numero supputanda; Musica, sonos vocēsque modulatrices; Geometra terrarum spacia, Astrologo Cælos; omnibus denique rectē conspiciendi atque exercendi rationem, eximia quadam ingenij fœtura pareret; vniuersorum Entium móbilium, principia, materiam, formam, priuationem, profundissima mentis Industria constituit: quibus quatuor genera Causarum admo-
uit: motūsque rationem coniunxit. Postmodum ab elementis ad mixta progrediens, modum explicat ortus atque interitus rerū: Historias, Generationes, partes animalium ac stirpium: Et quæcun-
que

que ad sensum vitamque pertinent: vniuersa quoque animarum munera exactissime perlustrat.

Nec verò solum infimarum mundi partium naturam atque ordinem explorat, ac Meteorologicas impressiones multiplices: sed & superiorum corporum Diurnitatem, amplitudinem, formam, motum, puritatem, vimque omnem concipit, parturit & effert in lucem, vt Philosophiam naturalem omnium scientiarum Genitricem ac parentem Iure optimo debeas appellare.

Quæ cum ita sint; quis non admiretur, summisque laudibus efferat humanæ mentis Industriam, Quæ tanta primæ Insitiæ caligine, artium lumine nostrum expurgarit ingenium, operum diligentia ignauiam propulsauerit, mortalium vitæ commoda conferens eximia; scientiarum splendore mentis aciem excoluerit, & quantum pulchritudinis rerum omnium ordine consistat, sagacitate sua indagarit, & indagando inuenerit, atque inuenta, apertam claramque in lucem, omnibus in medium ad communem vsum atque vtilitatem plenam, quod aiunt, manibus fuerit elargita? Atque ego plane dicere ausim, sine scientiarum cognitione, vniuersum terrarum orbem alioqui pulcherrimum, præcipua pulchritudinis parte mancum ac mutilum fore. Quemadmodum enim nihil volu-

ptatis

ptatis affert colorum elegantissima varietas in te-
nebris oblata; ita entium omnigena supellex, ubi
scientiarum splendor non effulgeat. O igitur Diui-
nam Industriad, quæ thesauris amplissimis ac lo-
cupletissimis humanum animum copiosissime di-
tauit, scientiarum splendore vniuersi orbis pulchri-
tudinem aperuit, ac solerti vigilantia, teterima ve-
cordiæ atque ignorantia monstra, validissima vir-
tute prostrauit, prorsusque in abditissimum sepul-
crum coniecit. Ob horum copiam certè pluri-
mam, magnis quidem laudibus dignissima est hu-
mana Industria; sed longè maioribus propter pul-
cherrima Dialecticæ Philosophiæque naturalis in-
uenta; quas non veluti humano solum Ingenio
partas, sed magis perinde atque è Cælorum pre-
ciosissimis horreis euocatas venerari atque cole-
re Humanum genus debeat.

Has autem multis cum voluminibus peregre-
gæ inter ceteros complexus fuerit Aristoteles, eas
pulcherrimo etiã ordine disposuit, firmissimis de-
monstrationibus muniuit, clarissimis Methodis
aperuit, atque ante oculos hominum splendidis-
simè omnium explicauit; vt meritò Philosophus,
& Angelus naturæ sine controuersia censeatur.
Tantum ac talem igitur nos authorem secuti, vtran-
que suscepimus interpretandam; Impari quidem
virtute,

virtute, at animo profectò ardenti, atque in om-
nem vtilitatem vestram & gratiam, optimi adole-
scentes, promptissimo.
Quum enim in Patauino Gymnasio, vniuersa
Italia totòque terrarum orbe frequentissimo, sa-
cræ Theologiæ interpretem agerem, locumque
(quod sine arrogancia dictum velim) non infimum
multis annis tenuissem, vbi non sine Doctorum,
Discipulorum, omniùmque ceterorum familia-
ritate & gratia (amplissimo Dei opt. munere) ho-
nestissimè profitebar. Ibidem, Adolēscētes Eru-
diti, tam eximiam legendi prouinciam diutius per-
secutus essem, nisi animum meum Patria, atque
adedò auspiciā meliora immutassent. Vt potè qui
Venerias & mihi Patriam, & totius orbis terrarum
urbem facile Illustrissimam honestissimè accitus
redirem: quique in Clarissimi Sebastiani Foscare-
ni, viri nunquam satis laudati locum suffectus fue-
rim; Qui quantus senator, quantus bonarum ar-
tium Alumnus & ingeniorū altor extiterit, eximia
illius gloriæ monumenta palā omnibus attestātur.
Ceterum Thomas Contarenus, Marcus Mo-
linus, Antonius Priolus, Antonius Mocenicus,
aliorūque duorum qui mortali quidem vita fun-
cti, nunc æternam supra sidera viuunt, Laurentij
nempè Iustiniani, & Alexandri Contareni, Diui
Marci

Marci Procuratorum de Citra, vnanimis constansque in me accersendo deliberatio, ita decreuerunt, atque hanc in legendi officio cathedram mihi constituerunt. Quo quidem accepto beneficio, si vel longè difficiliora mihi subeunda fortè recusassem, Inhumanus profectò extitissem, qui tot honoribus ab illustribus viris cumulatissimè ornatus, in tam laudabili prælectionis munere eis libentissimè non paruisssem. Mihi igitur hilari animo id munus demandatum subeundum censeui, & in eo totam mentis aciem atque industriam accuratissime exercendam; in quo à teneris (quod ajiunt) vnguiculis ad hæc usque tempora, adeò sine intermissione sum versatus, vt sine illo vitam mihi permolestam, nedum difficilem semper existimarim, Cui enim promptius hoc ætatis atque operis mei dicare poteram, ac debebam, quàm huic Ciuitati Illustrissimæ Ciuitatum Reginae Castissimæ, atque huic Reipublicæ in toto terrarum orbe integerrimæ?

Nimirum equidem si antiqua percurramus monumenta, extollat suas quantum voluerit, Solon Athenas, Minos Cretam, Charondas Catthaginem, Lycurgus Lacedæmona, Hippodamus Miletum, Diocles & Philolaus Thebas, Seleucus Locrenses agros, atque Numa Pompilius
Romam

Romam suam (vt Socratis, Platónis, atque Phaleæ Respub. prætereamus) : Nos quippe sublime hoc Imperium Celeberrimámq; Rempub. iure optimo ceteris omnibus præferemus.

Hæc enim quemadmodum præcipua Dei opt. max. providentia est erecta & constituta, ita amplissimo hominúmque Deúmque fauore aucta & munita, vt non modo quasunque illas antiquiores Respub. Sapientia opibus, armis adæquauerit; verum etiam & Romanos ipsos, qui Imperium in orbem vniuersum propagarunt, Hæc vna Sanctionum peritia, cōscriptorum patrum virtute, Iniperij diuturnitate, magno admodum interuallo superauerit. Nanque Vigésimus tertius supra Millesimum & Centesimum iam voluitur annus, quo felici faustóque sidere florentissima Respub. vestra, à superis accepit primordia, qui sinum hūc tutissimum coluerunt, atque vnā hanc toto terrarum spacio præclarissimā urbem, perpetuò duraturam construxerunt.

Hæc siquidem admirabilis ac nobilissima Ciuitas est Diuino nutu condita, sanctissimis legibus firmata, grauissimis ac sapientissimis Senatoribus instructa, viris omni scientiarum genere eruditissimis exornata, rerum omnium cum Humanarum tum Diuinarum copia refertissima; vt sedes hæc
d vestra,

vestra, Patres optimi, Nouus quidam orbis, vel
Cœlestis regio, aut saltem terrestris Paradisus, ma-
gis quàm terrena Ciuitas appellari debeat. Cui ma-
ximè Propheticum illud tribui potest. Gloriosa
dicta sunt de te Ciuitas Dei. Cur itaque ego lo-
cum ac præceptoris officium(etiam à Theologicis
ad Naturalia, & Rationalia transiens) recusabo in
hac vrbe celebratissima, in qua natus, educatus,
honestisq; muneribus ad hanc vsque ætatem sum
exornatus? Pro qua si vitam etiam, ne dum labo-
res ac fortunas omnes semper exposuerim; Quan-
to libentius in communem vtilitatem viuens, pro
eiusdem ciuibus optimis Disciplinarum generi-
bus instituendis, omnem Diligentiam, studium at-
que operam nauare debeo?

Vobis igitur, Ingenui, adolēcentes, quæ mul-
to tempore nec exiguo labore atque industria
comparaui, iure quodam æque ac filiis liberalissi-
mè depromam. Interea autē his vacationū diebus
veluti pro arrhabone, immò ad lectiones præcedē-
tium mensium instaurādas, quibus tēporibus Pata-
uij profiteri debebamus, Interpretati sumus Por-
phyrij quinque voces, & Aristotelis Catego-
rias, Physicarumque auscultationum primum li-
brum, & partem secundi. Prælegimus insuper tra-
ctatus nostros, vnum de primis & secundis inten-
tionibus

tionibus, Alterum de sex transcendentibus. Cum quibus alia quædam non ingrata forsitan ad commodum vestrum aliquando in lucem edemus. A vobis itaque hoc vnum exopto, vt animum bonas literas affectantem ac sitientem nostris fontibus offeratis. Polliceor enim breui quidem tempore me, Scientiarum suauissimos larices affatim vobis hauriēdos subministraturum. Nanque oportet, non quemadmodum monet Simonides quidā apud Aristotelem, Nos humana curare quum simus homines, aut mortalia quum simus mortales; sed quoad fieri potest ad Immortalitatem aniti; & omnia facere vt viuamus secundum optimum eorum quæ in nobis sunt; Mentem videlicet. Maximè siquidem hoc est Homo.

Quantum verò celebritatis atque excellentiæ ex ipsa sapientiæ Industria consequi vestra studiofissima Ingenia poterunt, haud facile dixerim. Auerroes quippe Eruditioni aptum ab Inepto, perinde atque hominem viuum à lapideo fecerunt; Aristoteles autem sapientem, Deo amantissimum, eundemque appellat felicissimum. At Salomon sublimius sapientiæ laudes extollit dicens. Venerunt mihi omnia bona pariter cum illa, & in numerabilis honestas per manus illius. Infinitus enim thesaurus est hominibus, quo qui vsi sunt

d 2 participes


participes facti sunt amicitia Dei :

Quis igitur tam sanctas opes, immunis culpæ neglexerit? Quis pro illis acquirendis non omnem operam, Ingenium, Sagacitatem, Industriam exercuerit? Neque enim, ut mentes vestræ ad tam præclara studia excitentur, recensendi sunt vobis externorum hominum præclarissimi, ut puta profusus Anaxagoras, cæcus Democritus, perlustrator orbis Pythagoras, dissimulator sapientiæ Socrates, peruigil Euclides, diuinus Hippocrates, laboriosus Cleanthes, purgatissimus Carneades, longæui illi Chrysippus, Iocrates cum Simonide & Sophocle, abstractus Archimedes (Præcipua siquidem Philosophiæ numina Platonem & Aristotelem, nemo non admiratur, nemo est qui primas gloriæ coronas, eis non offerat. Nec proponendi vobis sunt veluti quos æmulari valeatis, sed potius ut quos maxima cum admiratione suspiciatis). Vobis quidē domestica non desunt exempla, quæ in eorum insignibus, in eorū familijs, in eorum fœtibus assidue contemplari potestis. Quod ut vobis explanatissimū sit, licet prætereā breuitatis causa excellentissimorum nomina virorum quibus olim Ciuitas vestra splendide floruit, illos tamen silentio non præteribo, quos eximios atas propè nostra tulerit, Hermolaum Barbarum, Hieronymum

munum Donatū, Bernardum Iustinianum, Petrum
Bēbum, Gasparem Contarenum, Andream Nau
gerium, Ioannem Baptistam Egnatium, Io. Ber
nardum Felicianum, aliósque innumeros, quos ha
buiſtis. Nunc verò etiam plurimi non deſunt, quo
rum virtutes ſi recensere velim, hodierna lux mi
hi ſatis non foret. Horum(inquam)gloria accenſi,
non ſecus atque Themistocles, qui tropheis Mil
ciadis excitatus noctes ducebat inſomnes, & vos
noctūque diūque horum æmulatione impulſi, mē
tem veſtrā, internūmque hominem, Diuina ſcien
tiarum ſuppellectili cumulatiſſime exornetis. Agi
te igitur agite generoſa atque egregia pectora, ne
feliçiſſimas amittatis diuitias. Huc vigilias, huc om
nem curam veſtram, veſtrósque conatus dirigite.
His nihil dignius, nihil precioſius in vita mortali
bus contingere pōteſt. Ego quidem nullis par
cam laboribus, vt hunc facile & copioſe theſau
rum vobis comparem. Nec diues tantum pol
licitis apud vos ero: Immò annuente Domino,
quæ pro virili potuerim, longe re ipſa maiora præ
ſtabo. Atque adeò vt è fœtu(quod aiunt)Arbo
rem cognoſcatis antiquā. Amygdalus ſiquidem,
Pyrus & Quercus(vt Plinius ait)in ſenectute ferti
liſſimæ arbores ſunt: Palma verò antiquior fru
ctus præbet ſuauiores. Dei igitur Optimi Maximi
fauor

fauor adsit, qui me nūquam destituit, quem etiam
nunc pio corde imploratum, his quoque
cœptis, in vtilitatem vestram & com-
modum non defuturum
confidimus.

Ceterum vobis celeberrimi atque ornatissi-
mi viri, qui me hodie dicentem, attente atque hu-
maniter sustinuistis; summus omnium opifex Ne-
storeos annos, & optima quæque liberalissime re-
pendat. Ego sanè vobis Ingenium, Indu-
striam, Vitam denique ipsam mirum
in modum debeo, semperque
me eandem ingenuè debe-
re profitebor.



F I N I S.